

## Tafsiira Suuratu Al-Ankabuut-Xumura

### Description

Alhamdulillah kunoo Ibsa (tafsiira) suuratu Al-Ankabuut osoo ilaallu xumura irra geenye. Kutaa dhumaa ilalaalun harâ€™a ni xumurra.

﴿فَإِذَا رَكِبُوا فِي الْفُلْكِ دَعَوْا اللَّهَ مُخْلِصِينَ لَهُ الدِّينَ فَلَمَّا نَجَّلُهُمْ  
إِلَى الْبَرِّ إِذَا هُمْ يُشْرِكُونَ ﴾٦٥﴾ لَيَكُفُرُوا بِمَا أَنْتَ نَهَمْ وَلَيَتَمَتَّعُوا  
فَسَوْفَ يَعْلَمُونَ ﴾٦٦﴾

â€œYeroo doonii yaabbatan, amanti Isaaf qulqulleessuun Rabbiin waammatu. Yommuu Inni gara lafaatti nagaha isaan baase, yeroma san Rabbiitti qindeessu. Wanta isaaniif kennine waakkachuu fi qananiâ€™uuf [Rabbitti qindeessu]. Gara fuunduraatti ni beeku.â€ Suuratu Al-Ankabuut 29:65-66

Kaafironni yommuu galaana keessatti dooni yaabbatanii fi bishaanin nyaatamu sodaatan, Rabbiin ni tokkichoomsu. Yeroo rakkoon isaanitti cimuu fi danbaliin galaanaa gara hundaan isaan marsu, kadhaa Isa qofaaf godhu. Asitti amantiin duâ€™aayi (kadhaadha). Namoonni kunniin wanta gabbaraa turan dagatanii Rabbiin qofa kadhatu. Yommuu Rabbiin subhaanahu gara lafaatti isaanii baasee fi rakkoon isaan irraa deeme, yoosu gara shirkii isaaniititi deebiâ€™u[1] Kana jechuun Rabbiin ala wanta biraa gabbaruutti fiigu.

Dhibeen nafsee isaanii gara dhimmoota lamaatti deebiâ€™a:

**1ffaa-**qananii Gooftaan isaanii lakkoofsa hin qabne isaaniif kenne waakkachuu keessatti fedhii guddaa qabaachu. Of tuuluu irraa kan kaâ€™e qananii kana irratti Isa faarsuu fi galata Isaaf galchuu hin barbaadan. Kana â€œwanta isaaniif kennine waakkachuufâ€ jedhu keessatti ni arganna. Wanta waakkachuu isaaniitiin wal qabate keessaa tokko: maâ€™asiyaa keessatti taruudha. Kanaafu, wanta Gooftaan isaanii itti ajaje hojjachuu fi wanta Inni dhoowwe dhiisun Isaaf hin ajajaman.

**2ffaa:** badii hojjachuuf of gadi furuu fi faayda addunyaa irraa wanta fedhen hundatti fayyadamuu. Kana â€œqananiâ€™uufâ€ jedhu keessatti ni arganna.[2]

â€œGara fuunduraatti ni beeku.â€ Kana jechuun badiinsa hojji isaaniitii fi adabbii laalessaa Rabbiin Guyyaa Qiyaamaa isaaniif qopheesse gara fuunduraatti ni beeku.

أَوْلَمْ يَرَوْا أَنَّا جَعَلْنَا حَرَمًا إِمْنَا وَيُخْطُفُ النَّاسُ مِنْ حَوْلِهِمْ

٦٧

أَفِي الْبَطْلِ يُؤْمِنُونَ وَبِنِعْمَةِ اللَّهِ يَكْفُرُونَ

â€œNamoonni naannawa isaaniitti kan bubbudan taâ€™anii osoo jiranu akka Nuti [Makkaan] Harama nagahaa goone hin arginee? Sila baaxilatti amananii qananii Rabbii waakkatuut?â€ Suuratu Al-Ankabuut 29:67

Harama jechuun wanta kabajaa fi guddinna qabuudha. Sila kaafironni Makkaa Rabbiin isaaniif Makkaan iddo kabajamaa nagaha taâ€™ee akka godhee hin arginee? Jiraattonni Makkaa achi keessatti ofii fi qabeenya isaanii irratti nagaha taâ€™u. Namoonni Makkaan ala jiran immoo ni bubbudamu. Kana jechuun wal ajeesu, wal saamu.

Yeroo Jaahiliyyah jiraattonni Makkaan ala jiraatan nageenya hin beekan. Isaan irratti duulama, ni ajjeefamu, ni boojiâ€™amu. Qabeenya fi dubartoonni isaanii ni saamamu. Garuu warri Makkaa nageenya keessa taâ€™u. Inumaa, namni nama abbaa isaa ajjeese Harama keessatti ni arga. Garuu isa hin ajeesu. Haa taâ€™uu malee, Haramaan alatti ajjeechaa, boojiâ€™amuu fi saamichaa ni argita. Kanaafu, qananiin nageenya Qureeshota irratti qananii guddadha. Qananii kana galataa fi Ergamaa Rabbii dhugoomsun deebisuun isaan irra jiraa ture.

â€œSila baaxilatti amananii qananii Rabbii waakkatuut?â€ Kana jechuun shirkiitti amananii qananii Rabbii waakkatuut?[\[3\]](#)

Shirkiin soba (baaxila). Namni Rabbiin alatti wanta biraat gooftaa jedhe yoo gabbare (waaqefate) sobatti amanee jiraa jechuudha. Qananii Rabbiin kan akka qabeenya, beekamtii, nageenya, hoggantummaa fi kanneen biroo kan Rabbiin isaan qananiise waakkatu. Sababni isaas, qananiwwan kunniin gara Rabbiif ajajamuutti deebiâ€™uun galata galchuu barbaachisa. Namni qananiin baayâ€™achuu waliin maâ€™asiyaa irra yoo ture, kanaan qananii kan waakkatu taâ€™a[\[4\]](#)

وَمَنْ أَظْلَمُ مِمَّنِ افْتَرَى عَلَى اللَّهِ كَذِبًا أَوْ كَذَّبَ بِالْحَقِّ لِمَا جَاءَهُ وَ

٦٨

أَلَيْسَ فِي جَهَنَّمَ مَثُوَى لِلْكَافِرِينَ


â€œNama Rabbiin irratti kijiba uumee yookiin yommuu haqni isatti dhufe haqa kijibsiissee caalaa namni zaalimni eenyuu? Sila kaafirootaa ifdoon jireenyaa Jahannam keessa mitii?â€ Suuratu Al-Ankabuut 29:68

Kana jechuun nama Rabbiin irratti kijibee jallinnaa fi soba irra jiru Rabbi oltaâ€™aatti maxxanse yookiin haqa Rabbiin Ergamaa Isaa Muhamadin ittiin erge kijibsiissee caalaa namni zaalimni hin jiru.

Nama Rabbiitti kafaree, tokkichummaa Isaa waakkatee fi Ergamaa Isaa Muhamadin (SAW) kijibsiiseef Jahannam keessa iddo jirenyaaatu jira.[\[5\]](#)

Rabbiin irratti kijiba uumuun gosoota baayâ€™ee qaba. Isaan keessaa: wanta Rabbiin haraama hin goone namni tokko wanti kuni haraama yoo jedhe, Rabbiin irratti kijiba uumee jira.

Namni Rabbiin shariika ykn ilma qaba jedhe, Rabbiin irratti kijiba uumee jira. Akkasumas, namni osoo wahyiin isatti hin buufamin, wahyiin natti buâ€™ee jedhe Rabbiin irratti kijiba uumee jira. Namni kana hojjate nama hundarra zaalima (daangaa darbee fi haqa irraa jallateedha.) Akkasumas, namni yommuu haqni Gooftaa isaa irraa isatti dhufu kijibsiisee, zaalima. Kan jalqabaa kijiba kan uumudha, kan lammata immoo haqa kan kijibsiisuudha.



â€œWarroota karaa Keenya keessatti qabsaaâ€™an- dhugumatti karaalee Keenyatti ni qajeelchina. Dhugumatti, Rabbiin toltaa hojattoota waliin jira.â€ Suuraa Al-Ankabut 29:69

Jihaada (qabsoo) jechuun: galma (kaayyoo barbaadan) gahuuf humna cimaa baasudha. â€œWarroota karaa Keenya keessatti qabsaaâ€™an-â€œ kana jechuun namoota diinii Rabbii keessatti, shariâ€™aa Isaa ibsuu, waan gaariitti ajajuu fi waan badaa irraa dhoowwu, wanta dhoowwame irraa nafsee ofii qabuu fi wanta dirqama taâ€™ee akka hojjattu taasisuu fi jecha Rabbii olâ€™aansuuf kaafirotaan loluu keessatti qabsaaâ€™an, jazaan (mindaan) ariifatan isaan argatan: â€œdhugumatti karaalee Keenyatti ni qajeelchina.â€[\[6\]](#)

Karaaleen Rabbii hojiwwan jaalala fi mindaa Isaatti nama geessaniidha.[\[7\]](#)

Qajeelchuun gosa lama: beekumsaan qajeelchu fi hojiin qajeelchu. Beekumsaan qajeelchu yommuu jennu gara beekumsa sirrii taâ€™etti qajeelchu. Hojii gaarii fi badaa, sobaa fi haqa addaan baasutti qajeelchudha. Hojii qajeelchu jechuun immoo wanta beeke hojii irra akka oolchu dandeesisuudha. Namni qabsoo isaa keessatti dhugaa taâ€™ee fi ikhlaasa qabaate, Rabbiin beekumsaa fi hojiin isa qajeelcha.

Rabbiin azza wa jalla qabsaaâ€™ota (mujaahidota) kanniin tolta hojattoota (muhsinuun) akka taâ€™an ni ibse. Isaan qabsoo isaanii keessatti akka waan Rabbiin arganitti warra Isa gabbaraniidha. Kuni ikhlaasni isaanii guutuu taâ€™u fi hojii bareechisanii hojachu agarsiisa.

â€œDhugumatti, Rabbiin toltaa hojattoota waliin jiraâ€ kana jechuun Rabbiin gargaarsaan, wanta sirrii qunnamsiisuu fi qajeelchuun isaan waliin jira. *Kuni kan agarsiisuu namoonni nama hunda caalaa wanta sirrii qunnaman warra qabsaaâ€™aniidha.* Akkasumas, namni wanta itti ajajame bareechisee hojjate, Rabbiin isa gargaara, sababoota qajeelinnaa isaaf laaffisa. Namni beekumsa shariâ€™aa barbaadu keessatti qabsaaâ€™ee fi ciminnaan hojjate, qajeelinnaa fi gargaarsi isaaf argama, dhimmi beekumsaa isaaf laafa. Sababni isaas, beekumsa shariâ€™aa barbaadun karaa Rabbii keessatti qabsaaâ€™u keessaa tokko[\[8\]](#)

**Sababa****Bu'aa**

-Karaa Rabbii  
keessatti qabsaa'u  
(ciminnaan  
hojjachuu)

-Ikhlaasa qabaachuu

-Hojii akkaata  
shari'aan ajajuun  
bareechisanii  
hojjachuu

-Gara karaalee  
kheeyritti  
qajeelchu

-Karaa qajeelaa  
irratti gadi dhaabu

-Gargaarsa Rabbiin  
irraa argachuu

Alhamdulillahi Rabbil aalamiin. Tafsiirri suuratu Al-Ankabuut asirratti xumuramee jira.

**Kitaabban wabii:**

- [1] Tafsiiru Muyassar-404
- [2] Maâ€TMaariju tafakkuri-15/298
- [3] Tafsiir Xabarii-18/443
- [4] Tafsiir Qurâ€TMaanil Kariim-Suuratu Ankabuut-fuula 407
- [5] Tafsiir Muyassar-404
- [6] Tafsiir Qurâ€TMaanil Kariim-Suuratu Ankabuut-fuula 413
- [7] Tahriir wa tanwiir-21/37
- [8] Tafsiiru Saâ€TMdii-747,

**Date Created**

August 27, 2020

**Author**

admin